

E DE LAS LANAS DE BORDEU

E de las lanas de Bordeu, (bis)
Que i a tan ber'aulhèra,
Ri dera la lonla,
Que i a tant bèra aulhèra.

Que i gueiteve los potons,
E los petits anherons.

Un monsuret viengó a passar,
Long temps l'a regardada.

"Que regardatz-vos, mosuret ?
Jo que sòi maridada,

Dap un bergèr deu noste endret,
Long temps l'a cortisada.

Estacatz vòste chivalet,
Estacatz-lo a d'acèth lire.

Estenetz vòste mantelet
Sus la fresca arrosada.

Jo me'n vau virar los potons,
Batlèu serei tornada.

L'arrevirada dada eus ei,
L'Ador que la n'ei passada.

De vint e trente cavalièrs,
De tots me'n sòi trufada.

Atau harei de vos Mossur,
E d'aquesta encontrada.

Que voletz plumar la perdits (bis)
Mes que se'n ei volada,
Ri dera la lonla,
Mes que se'n ei volada.